



ル 5  
2537  
8



門ル805  
2537  
20-8

京都未有孔子廟而國學宮他若永相與知是志不  
淨嚼然曰百善之地風化教出不可忘乃在昔新學  
其京師不宣無王城請以全相容院為宣聖廟三十  
下其遷都七城立孔子廟其地來下以廟禮  
學在大都  
不宣

日下舊聞卷十四

城市五 北城上



教忠坊十鋪元殺宋文丞相於此地故名 五城坊巷街

京都未有孔子廟而國學寓他署丞相與元忠憲王守澤喟然曰首善之地風化攸出不可怠乃奏營廟學 元名臣事畧

燕京始平宣撫王楸請以金樞密院為宣聖廟二十四午既遷都北城立國子學于國城之東 元史以南城國子學為大都路學 元史

至元二十四年 元史立國學以故孔子廟為京學 元史百官志而提舉學事者仍以國子祭酒繫銜 元史百官志

日下舊聞

卷十四

時都城廟學既燬于兵楫取舊樞密院地復創立之春秋率諸生行釋菜禮仍取舊岐陽石鼓列廡下元史本傳

王巨川於灰燼之餘草創官立廟以己丑二月八日丁酉率諸士大夫行釋奠禮諸儒相賀曰可謂吾道有光矣湛然居士集

馬祖常大興府學孔子廟碑昔我太祖皇帝受命興邦金人遜于汴太祖卽以全燕開大藩府制臨中夏維時已有定都之志矣故太宗皇帝首詔國子通華言迺俾貴臣子弟十八人先入就學時城新剝于兵學官攝于老氏之徒世祖皇帝教命下如止儒師復官學廟事孔子歸墼垣四侵地勒石具文作新士子

至元二十四年旣成今都立國子學位於國左又因故廟爲京學京師雜五方俗尹治日不給廟之墻屋一弊壞將壓以毀講習之堂麤完泰定三年今大尹曹侯上視廟貌祠位皆不如制割稍入爲寮案倡然後大家富室合貲以聚財者有焉釋子方士分食以它徙者有焉施施于于咸樂于成延兩廡五十有二楹締構塗飾工戶物辦象從祀諸賢百有五人妥靈惟肖威儀有容又懇請于朝得廩餼弟子員百人受學于師復其身不勞以事於是天下首善之教興焉廟肇自唐咸通中遇遼金燕爲都邑故嘗用天子學制選舉升造與南國角立亦一時之盛也而太宗皇帝當雲雷經綸之世聖訓諄切以德賞喻父師以櫛楚

懲子弟饑焉粟肉渴焉酒禮力焉僕使忠義甚備其  
養賢勸善之誠固已高出百王之上矣世祖皇帝立  
極作則人文宣明登用儒臣躬親講學故當時勲賢  
之裔以及宿衛之臣罔不以揖讓俎豆之爲懿顯蒙  
昏愚之爲恥也而三代國學黨序遂庠家塾之等秩  
然羅列于上下才學經術用世之士踵武而出暨仁  
宗皇帝賓興大比四方舉進士凡登賢書策名禮部  
者京師屢倍于外郡非列聖仁涵義揉百年之禮樂  
文物推而致之歟燕自虞夏爲武衛之服召公之化  
尚矣昭王築臺以徠賢士鄒衍樂毅劇辛至有稱于  
世韓嬰以詩易爲一家師孔穎達博綜五經卓然庶  
幾醇儒今多士游歌在庭摠衣在廟時見魯鄒之美  
矣若嬰穎達宜所不道矧行教辛之徒哉夫儒者之  
學詩書六藝之文以至施之天下之道無有二也後  
世教不興家異人殊各溺于所習以相詆訾由上之  
教無以一之也嗟夫古者小學大學之師弟子之傳  
皆本于道德仁義之實著於詩書六藝之文非有教  
有授則不敢以傳也傳焉而龐雜不經則上有刑也  
是故風淳而氣同由上文教有以一之也而王國多  
士逢文明之會肄業有學學有師春秋禮其先聖先  
師者又有廟有位人有食以處出有貴于衆所以報  
稱列聖教化之德而應賢侯承宣之志者必彈冠而  
起矣提舉學事崔居中教授賈良弼正張慎錄司視  
以狀請曰廟之成前尹馬思忽實能始之今尹曹偉

實能終之經歷王孝祖薛讓警巡按院兀都購使李  
權且能考工于下也余既爲言正亮邴沂鄒四公配  
食東鄉位其來請遂爲銘詩不辭詩曰皇元有赫奄  
受大國于月之嶠于日之域京邑翼翼莫不來極予  
誕敷文德新都有嵯碎雍戕戕璆弁之璩濟爾象犧  
鉤爾絃歌新宮則那舊廟如之何皇帝在御百度咸  
若海輸維柁河浮厥栢是尋是斲虞庠嶽嶽式光我  
上國至聖儀儀元紘龍衣衎我先師既右享之采菲  
于地薦此明犧用介我蕃釐蕃釐伊何彼美多士克  
明克類克諒厥事以登臚仕以媚于天子有鏗華鐘  
路鼓逢逢言燕于公有翼有顯多士既同天府是  
維曹侯之功曹侯閭閭迺承迺宣御劇迺專虞廷連

連王士安安祇國維賢天子萬年

石田集

順天府學在府東南洪武初建爲大典縣學永樂初以

爲府學正統十一年重修

明一統志

順天府學故報恩寺也元末有僧遊湘潭募造報恩寺  
尚未安像明師下燕戒士卒毋得入孔聖廟僧倉皇借  
宣聖木主置殿中後不敢去遂以爲學其地元之柴市  
也文文山授命焉東有祠西有館曰教忠再西有坊曰  
育賢

春明夢餘錄

永樂元年五月禮部言舊制應天府設學不設上元江  
寧二縣學今旣設北京國子監以順天府學爲之革大  
典宛平二縣學而以大興縣學爲順天府學其順天府  
及二縣生徒通經能文者令克北京國子監生其餘皆

克順天府學生從之

成祖實錄

至元十六年帥臣張洪範執文天祥至大都囚之上屢欲赦出相之不從十九年十二月初九日戮于燕南城

柴市

中堂車紀

天祥北行十月至燕館供帳如上賓天祥義不寢處坐達旦四日張洪範至具言不屈狀五日送兵馬司械繫空宅中十餘日解手縛又十餘日得疾十二月去械猶繫頸自是因兵馬司者四年其爲詩有指南前錄三卷後錄五卷集杜二百首皆有自序

劉岳申文信公傳

公至柴市觀者萬人公問市人曰孰南面或有指之者公卽向南再拜索紙筆書二詩云昔年單舸走維揚萬死逃生輔宋皇天地不容典社稷邦家無主失忠良神

歸高岳風雷變氣吐烟雲草樹荒南望九原何處是塵沙點澹路茫茫衣冠七載混旃裘憔悴形容似楚囚龍馭兩宮崖嶺月貌猊萬竈海門秋天荒地老英雄喪國破家亡事業休惟有一靈忠烈氣碧空長其暮雲愁是日大風揚沙天地晝晦公旣死世祖臨朝歎曰文丞相好男子不肯爲吾用殺之誠可惜也是後連日陰晦宮中白晝或秉燭行適張真人來朝世祖問之對曰此殆殺文丞相所致也乃贈公特進金紫光祿大夫開府儀同三司檢校太保中書平章政事廬陵郡公謚忠武令僉樞密院事王積翁書神主酒掃柴市設壇祀之丞相孛羅初行奠禮狂飈旋地起卷主入雲中孛羅等改書前宋少保右丞相信國公天始開霽

趙弼文信公傳

江南十義士昇公藁葬都城小南門外五里道傍大德二年繼子陞至都順城門內見石橋織綾戶婦公舊婢綠荷也為陞語劉牢子乃引到葬處大小二僧塔其大塔小石碑刻信公二字遂以歸葬廬陵帝京景物畧文丞相祠國初北平按察司副使劉崧立名勝志永樂六年太常博士劉履節奉命正祀典謂天祥忠于宋室而燕京乃其死節之所請祠祀從之祠堂三楹前為門又前為大門祠之西為懷忠會館江右士夫歲時集會于此以祭公者也宣德四年保定李庸為府尹重拓其祠信國所著有目錄吟嘯集指南錄集杜詩並刊板祠中春明夢餘錄宣德二年二月遣順天府官祭宋丞相文天祥歲為例

歲仲春仲秋有司陳設爵三果五帛一羊一豕一祝文曰皇帝遣順天府尹某致祭于宋丞相信國文公曰卿昔宋臣以身殉國忠義大節炳若日星時維仲春庸仲常祀卿其有知尚克享之嘉靖祀典歷代忠臣廟皆府尹致祭凡祭必用祭服獨此用常服湧幢小品

正統十三年十二月順天府尹王賢奏宋丞相文天祥故元時塑以儒士像今宜考究宋時丞相冠服改塑從之英宗實錄

鄧剡贊日煌煌兮疎星曉寒氣英英兮晴雷殷山頭碎柱兮壁完血化碧兮心丹嗚呼孰謂斯人不在世



中齋稿

甘瑾讀文丞相傳作萬里冰天泣楚冠南雲歸計路  
漫漫尚圖一旅興王易不念孤兒立國難樓櫓海門  
西日暗劍歌江介朔風寒九京痛憶遺編在千載奸  
諛掩面看明詩統

黃仲昭謁文丞相祠詩故宮芳草泣銅人滄海樓船  
是紫宸赤手欲擎西墜日丹心誓掃北來塵山河萬  
里雙垂淚廟宇千年獨愴神翹首燕山知幾仞至今  
高節其嶙峋未軒集

章懋謁文丞相祠詩元宋興亡迹已陳忠臣祠宇尚  
如新夕陽古樹烟猶暝夜雨荒堦草自春慷慨六歌  
空灑泪開關百戰竟捐身穆陵地下應含笑不負廬

傳第一人楓山集

顧清謁文山祠詩碧殿長松鎖十尋晚雲將雪助蕭  
森貂蟬不改厓山制金石疑聞孔壁音南去星潮嗟  
往事北來祠廟豈公心春風一掬唐衢淚幾爲先生  
濕短襟東江集

歐大任謁文信國祠憶昔南冠日厓山恨未忘魂沉  
柴市月淚盡劔門霜白雁啣江草黃龍逐海航中原  
剋劍在歌舞待巫陽歐虞部集

葉向高謁文丞相祠辭曰余夙觀夫載籍兮心倏侘  
而鬱紆信國之逢殃兮中情要眇其焉如曰余畱  
覽乎皇之都兮瞻元宮之吸嶭循周垣而延佇兮涕  
淫淫其交睫惟宋室方舍夫夷庚兮猘猱下而嚙齋

民夜昏昏其未央兮且又重之以晦冥蘭艾雜糅而  
不分兮鴛騎並道以爭馳彼靈瑣之莫懲兮厥宗忽  
然而賁之荃服敦瘁以祗辟兮紛獨有此姱節介忠  
胄信兮欲鞭焚輪而埽狂孽何時命之蹇蹇兮羗抑  
志而逢殃雖顛頓吾猶未悔兮諒余情其信芳技已  
殫而力已極兮噤昊天之恩顧終俯首而受維兮悲  
窘步于中路衷慙慙以適悶兮悄見愠乎魍魎下天  
眇而不見天兮上又當乎颺展之衝颺荃畢命而抵  
節兮更申申其詈之曰夏商周之忽沒兮競逐鹿而  
喪馬羗孰讐而孰君兮爾何懷乎故社豈荃心之忍  
聞兮掩吾耳而欲走也甘蹈刃以如飴兮亦明哲之  
所厚也嗟大厦之既顛兮狂瀾傾而誰柱諒昭質其  
未虧兮安能忍與此終古羣摩牙吮血以相向兮羗  
不可以久雷乃遂焉而逢殃兮濫駕言乎焉遊馴玉  
虬而乘翳兮張孔蓋而拂翠旌奄靈衣之披披兮曰  
余從夷齊于首陽之陘神邈邈其高馳兮氣耿耿而  
成虹叫帝闕猶未闕兮極勞心之憊憊帝感荃之精  
誠兮命神龍奮而驅之廓日月而重朗兮固荃心之  
所求阼微軀而危死兮孰與夫忍辱而攘尤荃旣畢  
此願兮辭閭風而來下蓀房遂以名薺兮舉芳洲之  
杜若余薦沆瀣以醞醴兮蓋瓊靡以匏瓠受哀絃于  
太娥兮涓延和之以清商靈蕭蕭而若觀兮冀回煥  
燭乎余誠跪於邑以陳辭兮勃颺颺而風生陳辭兮  
未終靈條舉兮雲中渺余思兮無極悵四海兮安窮

悲乎哉狂瀾潰兮夫誰能以不波綱常墜兮微哲人  
兮柰何 蒼霞草

李廷機謁文丞相祠辭余相觀此下土兮紛逢世而  
得路何先生之姱質兮丁季宋以窘步當皇輿之改  
績兮魚羊張其莫抗岌大命之將泛兮乃轡羈以右  
相編虎鬚幾不免兮傷浮海之踉蹌晝伏宿莽而顛  
頽兮夕餐樵之餘糧仍披草而求君兮梁一木以支  
廈夫豈不知憂憂之無益兮脊而不能舍也既呼江  
淮之雄駿兮又糾南土之銳師礪鈎棘與長鎩兮振  
鉦鼓與旆旗冀一成三戶兮尚祀夏而興楚將啣木  
而填海兮頻揮戈以延晷何先生之恫固兮空爲此  
紆軫也豈其有他故兮不忍宗周之隕也憺昊天

莫顧兮既殫技而竭方殲夫厥家兮又身被于維繫  
縱欲殺而不忍兮懷糞壤而要之荃不察夫中情兮  
更申申其罵之曰覽女其猶未悔兮終然妖乎荆之  
野羗解紉而相兮爾何懷乎故社豈先生之忍聞兮  
願依前修之遺則初既有夫成言兮詎中道而可食  
猥屈心而抑志兮徒貪生而處穢寧伏鑽而就鑊兮  
不忍爲此態也身纍纍其見幽兮日翳翳以將夕恫  
鬱邑其佗係兮歌聲猶出夫金石雖九死其不回兮  
焉能忍與此終古孔壬見其如此兮衆興心而嫉妬  
乃遂焉而逢殃兮直如飴而受之雖萎絕其何傷兮  
耿昭質其亦未虧繁先生之顛沛兮豈其心之所懲  
鑄楚鐵以爲肝兮鍊越石以爲腸嗟人生之不百年

今何崦嵫之易逼蓋有捐之而修兮有顧之而促雍  
門刎而死越兮莫敖瞑而入吳蓋自古而有之兮匪  
先生獨罹乎此辜既死賢于生兮又舍是將焉索彼  
忍誦而苟存兮寧不爲之泚額睠先生之遺嗣兮歷  
春雨而秋霜雲油油其長垂兮蘭總總其猶芳余何  
爲而太息兮感先生之義也跪敷衽以陳辭兮亦表  
予之志也

李文節公集

楊士奇文丞相祠記北京之有公祠洪武九年前北  
平按察副使劉崧始建于教忠坊今順天府之右而  
作塑像焉永樂六年太常博士劉履節奉上命正祀  
典始有春秋之祭于有司歲以順天府尹行事宣德  
四年府尹李庸遵旨葺而新之

東里集

韓雍請謚文信公疏竊見宋丞相少保信國公文天  
祥弱冠立朝臨危許國志專恢復屢挫折而不移心  
切匡時蹈艱危而不變既而國亡被執繫獄累年誘  
之以大用而不從脇之以刀鋸而不屈卒之南向再  
拜殺身成仁收三百年養士之功立千萬載爲臣之  
極有指南錄以著其忠愛有集杜詩以寄其憂傷其  
精忠大節與日月爭光與天地悠久誠足以正人心  
而扶世道也顧於歿後贈謚未加實爲缺典乞勅禮  
部翰林院儒臣考議加以贈謚錄其子孫並將順天  
府學之西天祥祠堂遺像改塑丞相冠服仍令有司  
春秋祭祀其於綱常誠非小補

韓襄毅公集

信公至景泰中賜謚忠烈人多不知

羅文恭公集

崇禎十七年三月戊申左都御史李邦華縊于文丞相祠甲乙彙畧

三月十八日賊破外城李公移宿吉安館文信公祠下烹賜豕祀信公詰朝內城陷奔赴大內闕門閉歸館沐浴整衣冠北面再拜三揖信公曰邦華鄉邦後學令死國難請從先生于九京矣取白縑書贊繫腰間曰堂堂丈夫聖賢為徒忠孝大節誓死靡渝臨危授命庶無媿吾君恩莫報鑒此癡愚縑尾書人生自古誰無死畱取丹心照汗青之句囑家人護總憲印繳還朝廷勿汙賊手移席正直持束帛繫信公坐楫投繯而絕三月十九日辰時也有學集

常麟徵以壬戌登第嘗夢一人叉手向背吟文信

國山河破碎風漂絮身世浮沉雨打萍之句問之途人云是處士劉宗周時尚未識劉是年劉以儀曹董南宮役相對爽然崇禎末吳與劉同出而劉先罷歸吳遂死難越二年宗周在里亦不食死山河破碎至此方驗垣筆記

陳侍御良謨按蜀回夜夢拜文山于堂下文山揖之起

曰公與予先後人品相同何下拜為後果殉難同上

普德寺俗呼大佛寺建置歲月無碑記可考析津日記

大興縣金名也本秦薊縣地縣治在北城教忠坊各勝志

大興秦薊縣漢為廣陽國東漢為郡兼立幽州仍為薊縣晉屬燕國元魏亦為幽州立燕郡隋為涿郡唐為幽

州治所開元二十三年陞為望縣建中二年析西界置  
幽都縣五代亦為薊縣石晉割地予遼遼為幽都府開  
泰元年更縣為析津金得之割以遺宋宣和七年復歸  
金天德五年改為大興縣元與宛平同為赤縣洪武中  
屬北平府倚郭縣清類天文分野之書  
白馬祠昔慕容氏都燕羅城有白馬前導因以為祠元  
混一方輿勝覽

關帝廟在皇城北安門東者曰白馬廟隋基也姚彬盜  
馬廟在三里河天壇亦隋基也春明夢餘錄

葛邏祿迺賢白馬廟詩祠宇當城角霜蹄刻畫真房  
星何日墜駿骨自能神曾躡陰山雪思清瀚海塵長  
疑化龍去騰蹕上雲津金臺集

崇教坊十四鋪有天聖寺淨居寺極樂寺崇興菴五城  
坊巷齋術集

極樂寺在崇教北坊元至元間建開元寺在崇教南坊  
俱有勅建碑順天府志

都城東北隅坊曰崇教街曰成賢國子監在焉國初本  
北平府學永樂二年改國子監左廟右學規制大備葵  
倫堂之松元許衡手植也廟門之石鼓周宣王獵碣也  
帝京景物畧

元太宗即位之五年新建國子學于燕京御製宣諭二  
通其一通諭尊羅罽等及十投管象等官方是時遣蒙  
古子弟一十八人來習漢人語習文字復掄漢人子弟  
二十二入習蒙古言語弓箭命提領陳時可擇二名儒

管勾并主守孔子廟道人馮志亨選秀士二人通儒道人二人分作四牌子教讀不率教者以簡子量筆之更權用燕京真定曆日銀建立夫子廟兩廡及肄業之舍其子弟日給米一升麩如之肉一斤晚同給酒一缶家糧之給亦一升土著者皆不與又於降戶每人撥小蒼頭一名以奉使令此蛇兒年六月初九日所頒也其一通諭受學子弟員習漢人文書之外兼詣匠藝事及藥材所用彩色所出地里州郡所紀下至酒醴麴蘖水銀之造飲食烹飪之制皆欲周覽旁通仍戒飲酒不可有違恒度而於習講尤諄諄也所頒之年月與前同不書何日意稍後於前亦不過旬日爾後十六年當定宗崩之明年己酉十月望日夫子廟住持賜紫知觀李志元

始鑿樂石令重元子葛志仙刊置學中其左方序列四教讀弟子各蒙古必閣赤自札古魯真以下凡十九人漢人必閣赤自文宣奴而下凡二十八人所謂必閣赤者譯言書生也其數比舊有所加者續有慕效而來者耳又列羅劉二通事不著其名又列宣授蒙古必閣赤四牌子總教馮志亨宣授金牌提舉國子學事中書楊惟中御前宣議國子學事仙孔八合識李志常三人銜名所謂八合識譯言師傅也惟中卽楊文肅公從事征行勞烈甚著餘若志元志先志常則皆黃冠師當時制尚淳質混儒道二者爲一不復異別有合于老易同用之旨厥後元勳領輔頗有爲道家所薦而起者濂謹按蛇兒年六月九日正金哀宗天興二年癸巳六月壬午

也余自宣宗以貞佑二年五月壬午遷汴三年五月庚申燕京入我職方至是垂二十載立學以教胄子固惟其時然竊獨惟是年王師南征圍汴蹴蔡決策制勝日不暇給而太宗乃以教育英才為先務而其為教又能達事理不差鑿鑿見諸實用神謀睿算度越前王天縱之聖為不可及已列聖有作益修成均養士之制百年以來遂用人文化成天下茲蓋其權輿者歟石刻今藏京師與御賜宣聖玉筆皆提舉學事者司之每當代去出以相傳且繫其名于籍非惟不怠其本先蓋亦慎之至也濂因得而備述俾覽者知祖宗垂意學校文運之興殆非一日而纂修史臣或得以參攷焉

潛溪集

至元六年七月立國子學二十四年閏二月設國子監

元史世祖紀

姚長者仲實河南人至元中為京教監局使遷真州三務使棄官還京師累貲巨萬天子建辟雍獻美木十章米五十斛織金帛二端役夫羊裘九十襲

李樓集

程鉅夫國學先聖廟碑皇慶二年春皇帝若曰我元嗣百世之統建萬民之極誕受厥命作之君師世祖混一區宇亟修文教成宗建廟學武宗追尊孔子所以崇化育材也朕纂丕圖監前人成憲期底于治可樹碑于廟詞臣文之臣某拜手稽首奉詔言曰臣聞邃古之初惟民生厚風氣漸靡聖人憂之越有庠序學校之制天下之治胥此焉出中統二年以儒臣許衡為國子祭酒選朝臣子弟克弟子員至元四年作



都城畫地宮城之東爲廟學基二十四年備置監學  
宮元貞元年詔立先聖廟久未集大德三年春丞相  
臣哈刺哈孫荅刺罕大懼無以祇德意乃身任之飭  
五材鳩衆工責成工部郎中臣賈馴馴心計指授晨  
夕匪懈工師用勸十年秋廟成謀樹國子學御史臺  
臣復以爲請制可至大元年冬學成廟度地頃之半  
殿四阿崇尺六十有五廣倍之深視崇之尺加十焉  
配享有位從祀有列重門修廊齋廬庖庫爲楹四百  
七十有八學在廟西地孫于廟者十之二中國子監  
東西六館日堂徂門環列鱗比通教養之區爲間百  
六十有七制加孔子大成之號祠以太牢輦釋奠雅  
樂江南復戶四十肄之春秋二祀先期必命大臣攝

事皇帝御極陞先儒周敦頤程顥程頤司馬光方軌  
邵雍朱熹張栻呂祖謙許衡從祀廣弟子員爲二百  
進庶民子弟之俊秀相觀而善業精行成者歲舉從  
政又詔天下三歲一大比興賢能于是崇宇峻陞陳  
器服冕聖師巍然如在上教有業息有居親師樂友  
諸生各安其學咸曰大哉天子之仁至哉相臣之賢  
工曹之勤其知政治之本源矣

雪樓集

吳澄賈侯修廟學頌世祖皇帝旣一天下作京城于  
大興府之北其祖社朝市之位經緯塗軌之制宏規  
遠謀前代所未有也至元二十四年設國子監命立  
孔子廟暨順德忠獻王哈刺哈孫相成宗始克繼先  
志成其事而工部郎中賈侯董其役廟在東北緯塗

之南北東經塗之東殿四阿崇十有七仞南北五尋  
東西十筵者三左右翼之廣亦如之衡達於兩廡兩  
廡自北而南七十步中門崇九仞有四尺修半之廣  
十有一步門東門西之廡各廣五十有二步外門左  
右爲齋宿之室以間計各十有五神厨神庫南直殿  
之左右翼以間計各七殿而廡廡而門外至於外門  
內至於厨庫凡四百七十有八楹肇謨於大德三年  
之春訖功於大德十年之秋于時設官教國子已二  
十年矣寄寓官舍不正其名丞相以爲未稱興崇文  
教之實也乃營國學於廟之西中之堂爲監前以公  
聚後以燕處旁有東西夾夾之東西各一堂以居博  
士東堂之東西堂之西有室東室之東西室之西有  
庫庫之前爲六館東西嚮以居弟子員一館七室助  
教居中以蒞之館南而東而西爲兩塾以屬十門屋  
四周通百間踰年而成不獨聖師之宮巍然爲天下  
之極而首善之學亦偉然聳天下之望邈邈來觀靡  
不驚駭嘆羨其高壯宏敞蓋微丞相其孰能贊承聖  
天子之德意而微賈侯亦孰能闡張賢宰相之盛心  
哉侯名馴字致道濟南鄒平人至大四年三月朔國  
子監丞吳激敘詩曰於赫皇元澤彌八埏翼翼京師  
風化攸先孔道昂明千古日月帝曰廟之以對光烈  
顯允龐臣欽輔神孫祖訓是承往聖是遵相謂而馴  
而職而職乃基乃構乃曼乃甃侯祇相言弗懈以虔  
新宮巍巍有卓其騫宮墻之西學官爰作我宏爾居

爾懋爾學爾士來遊四方具瞻爾則匪遙像貌聿嚴  
恂恂賈侯克敦克敏孰挫其廉孰混其畛一正不阿  
百折不回族斯糾紛剽之恢恢廟學之崇天子之德  
丞相之功賈侯之力

吳文正公集

陳旅國子監營繕官舍記至順三年春南陽李术魯  
先生以集賢直學士兼國子祭酒監有隙地在居賢  
坊大德中有司議以建學餘力築屋以舍師儒不果  
也明年五月以中統楮泉二萬餘緡筮吉日籌工度  
費除地坊北畫爲四區區各立屋五間中三間爲居  
室旁兩間爲肅官具饗之所宅之門以東西門之街  
以南北街北距通衢立大門街南羨壤可藝蔬東浚  
井西置屋居隸者使掌大門之管以贏資治舊宅二  
區之在坊中者其西圯甚易敗桷腐莢補以新瓦而  
墜塗之旁起屋如北坊之制東宅西門作室象舟可  
居棊書東南作見賓之室曰賓菴七月經始九月成

安雅堂集

中統元年許衡爲國子祭酒未幾謝病歸至元八年以  
集賢大學士兼國子祭酒帝親爲擇蒙古弟子俾教之  
衡聞命喜曰此吾事也

元史本傳

至元八年先生授集賢大學士國子祭酒有旨教蒙古  
生四人後又奉旨教七人又及四方及部下願受業者  
俱得預其列卽南城之舊樞密院設學先生奏召舊弟  
子散居四方者王梓韓思永蘇郁耶律有尚孫安高凝  
姚燧及其弟燉劉季偉呂端善劉安中白棟皆驛致館

下爲伴讀 國學事跡

先生之教人也恩同父子義若君臣因其所明開其所蔽而納諸善時其動息而張弛之慎其萌蘖而防範之其日漸月漬不自知其變也日新月盛不自知其化也其言談舉止望而知其爲先生弟子卒皆爲世用也 考

歲畧

皇慶元年二月朔徙大都路學所置周宣王石鼓于國子監二年六月建崇文閣于國子監 元史仁宗紀

吳澄崇文閣碑國朝以神武定天下我世祖皇帝以武之不可偏尚也廣延四方耆碩之彥與其謀議遂能裨贊皇猷修舉百度文治浸浸興焉中統間命儒臣教胄子至元間備監學宮成宗皇帝光紹祖烈相

臣哈喇哈孫欽承上意作孔子廟于京師御史臺言胄子之教寄寓官舍隘陋非宜奏請孔廟之西營建國子監學以御史府所貯公帑克其費逮至仁宗皇帝文治日隆僉謂監學積藏經書宜得重屋以庋有旨復令臺臣辦集其事乃于監學之北構架書閣閣四阿檐三重度以工師之引其崇四常有一尺南北之深六尋有奇東西之廣倍差其深延祐四年夏經始六年冬績成材木瓦甃諸物之直工役飲食之費一皆出御史府雄偉壯麗煥然增監學之輝名其閣曰崇文英宗皇帝講行典禮賁飭太平文治極盛矣臺臣請勒石崇文閣下用紀告成之歲月制命詞臣撰文臣激次當執筆今上皇帝丕纂聖緒動遵世祖

成憲于崇儒重道惓惓也泰定元年春誕降俞音國  
子監立碑如臺臣所奏臣激謹錄所撰文以進臣聞  
若古有訓戡定禍亂曰武經緯天地曰文武之與文  
各適所用然戡定禍亂用于一時而已經緯天地則  
亘古亘今不可無也何也日月星辰天之文也山川  
草木地之文也人文與天地相爲經緯則亦與天地  
相爲長久而可一日無也哉我世祖怒怒用武日不  
暇給而汲汲崇文惟恐或後此其高識深慮度越百  
王宏規遠範垂示萬世以爲聖子神孫法程夫豈常  
人所能測知蓋創業之初非武無以弭亂守成之後  
非文無以致治武猶毒藥之治病病除卽止文猶五  
穀之養生無時可棄也有文治之君必有文治之臣

文治之臣苟非教習之有其素彼亦惘然孰知文之  
所以爲文者故建學以興文教暢文風涵育其人將  
與人主共治也斯文也小而修身齊家大而治國平  
天下言動之儀倫紀之敘事物理義之則禮樂刑政  
之具凡燦然相接煥然可述皆文也古聖賢用世之  
文載在方冊不考古人之所以用世不知今日之所  
以爲世用者也然則聖朝之崇文豈虛爲是名也哉  
閣之所度古聖賢之文也立之師使之以是而教設  
弟子員使之以是而學教之而成學之而能則游居  
監學者濟濟然彬彬然人人閑于言動之儀譽于倫  
紀之敘專通乎事物理義之則詳究乎禮樂刑政之  
具他日輔翊吾君躋一世文治于堯舜三代之盛由

此而選也夫如是其可謂不負聖天子崇文之明命  
休德已若夫不能潛心方冊真有得于古聖賢之所  
謂文而涉獵乎淺末炫耀乎葩華曾是以爲文乎上  
之所崇下之所以爲世用者蓋不在是

吳文正公集

陳璉登崇文閣歌巍巍乎高哉崇文之閣兮吾不知  
其幾百尺突兀直倚蒼冥中雕簷高飛近曉日瓊牕  
洞啟來清風前瞻兮帝闕下顧兮辟雍京畿鬱兮千  
里五雲近兮九重太行西來兮迤邐居庸北拱兮龍  
嵒峯巒遠近其環峙削出朶朶金芙蓉是中奇勝甲  
天下何況此地名儒宗圖書浩瀚紛莫數文光夜吐  
猶晴虹漢家天祿不可以復見幸喜斯閣之高崇值  
校文之多暇日徙倚而從容愛扶輿磅礴之奇秀兮

呼吸盡使歸心宵闌干笑拍飛鳥上豪氣不減陳元

龍俯視十二衢車馬塵濛濛欲招太白老更約東坡

翁葡萄酒傾瑪瑙甕日醉三百玻璃鍾人間亦自有

勝境何必飛度扶桑東

琴軒集

延祐元年四月立回回國子監

元史仁宗紀

延祐七年四月罷回回國子監

元史英宗紀

至正十五年六月中書叅知政事實理門言舊立蒙古  
國子監寺教四恹薛并各愛馬官員子弟今宜諭之依  
先例入學俾嚴爲訓誨從之二十年十月朔甘露降于

國子監大成殿前柏木

元史順帝紀

國子監候日影到堂後梨樹散學

金臺集

虞集國子監後圃賞梨花樂府序至大庚戌之仲春

大成殿登歌樂成時雨適至我司業先生樂雅樂之  
復古顧甘澤之及時於是乎賦喜雨之詩推本歸功  
于成均之和迺三月辛巳國子監後圃梨花盛開先  
生率僚吏席林臺之上尊有醴盤有蔬肴載雜陳勸  
酬交錯飲且半命能琴者作古操一闕禽鳥翔舞雲  
風低迴先生於是歌木蘭之引以寓斯文之至樂而  
泳聖澤之無窮也明日僚友酌酒而賡之又明日諸  
生之長酌酒而賡之氣和辭暢洋洋乎盛哉虞某起  
言曰古之教者必以樂故感其心也深而成其德也  
易命大夫者猶與之登高賦詩而觀其能否茲事不  
聞久矣今吾師友僚佐乃得以講誦之暇從容詠歌  
庶幾乎樂而不淫者亦成均之義也命弟子緝錄爲

卷以貽諸好事可覽觀焉謹序

道園學古集

宣德四年八月修北京國子監大成殿前兩廡

實錄

宣德七年四月北京國子監請以監之東金吾等三衛  
草場二所爲諸生構房舍其地給本監種蔬以供會饌  
從之

明宣宗國子監箴翼翼京都巖巖學宮首善之地是  
維辟雍四方髦士來遊來學業之所專詩書禮樂學  
必有師爲士承式祭酒司業暨乃衆職師道克惇士  
乃有成俊又奮興爲國之禎咨爾爲師敬爾儀則以  
教以率罔懈朝夕咨爾爲學明善誠身克智與能匪  
敬弗臻俗化所自賢才所出其于國家甚重而切勗  
爾師生咸篤于誠無忽于行式觀厥成

官箴

先是太學因元之陋吏部主事李賢上言國家建都北京以來佛寺時復修建太學日就廢弛舉措舛錯何以示洽天下請以佛寺之費修舉太學從之正統九年正月太學成上臨視祇謁先聖行釋奠禮退御藝倫堂命祭酒李時勉進講國朝典彙

英宗御製重建太學碑畧北京故有學在宮城之艮隅庫隘弗稱正統八年秋命有司撤而新之明年春成朕躬釋奠于先師循古典也退卽學之藝倫堂命儒臣講經公卿大夫百執事之臣縫掖之士兵衛之帥拱侍而聽殆以萬計已而有司請如故事紀其成于碑敬書貞石昭示後人實錄

國子監在京城東北隅景泰中御史程敏請於東長安

街之南改創基址不允國史唯疑

弘治改元駕臨太學有聖駕臨雍錄一卷具載勅旨奏

章禮儀文移講議官職等事百川書志

兩京孔子廟易琉璃瓦自萬曆庚子始從司業傅新德請也國史唯疑

崇禎十四年重修太學成八月車駕臨雍祭酒南居仁坐講臯陶謨司業羅大任講易咸卦命文武官三品以上俱坐聽賜茶講畢上入敬一亭觀世宗所立程子四箴碑遂傳禮部將廟學諸碑俱摹榻進覽又石鼓文殘闕亦令察補進呈三朝野史

國子監在城東北卽元之舊學洪武改爲北平郡學永樂仍爲國子學又改爲國子監正堂七間曰藝倫堂元



之崇文閣也中一間列聖幸學俱設坐于此上懸勅諭  
五通東一間祭酒公座面南司業座面西堂前爲露臺  
臺南中爲甬路前至太學門長四十三丈聖駕臨幸由  
之東西爲墀諸生列班于此後堂三間東講堂三間西  
講堂三間藥房三間折而東爲繩愆廳三間鼓房一間  
率性堂誠心堂崇志堂各十一間博士廳三間鐘一間  
修道堂正義堂廣業堂悉如率性堂六堂乃諸生肄業  
之所東折而南爲廊房九間門一間西亦如之太學門  
三間門東勅諭碑一通洪武十五年申明學制一通洪  
武三年定學規碑一通洪武初年欽定永樂三年申明  
學規碑一通洪武十六年并三十年欽定廟學圖一通  
廟學規制地界四至丈尺勒正統十二年十一月初四

日立外西東井亭一又東爲持敬門以入廟自中少北  
爲儲門以通啟聖祠土地祠及典簿典籍掌饌廳倉庫  
之路祭酒東廂亦由此入西井亭一又西爲退省號門  
自西少北爲廣居門以爲司業入廂諸生入號之路墀  
內雜植槐栢共二十株前爲集賢門三間門前爲通衢  
東西牌坊各一題曰國子監監衢東西牌坊各一題曰  
成賢街藝倫堂後齋明所九間格致誠正號每號計三  
十七間嘉靖七年作敬一亭御制聖諭其碑七座前爲  
大門題曰敬一之門祭酒廂房在亭東司業廂房在亭  
西會饌堂一所在監東北土地祠五間在饌堂門之右  
典籍廳五間在饌堂門之左典簿廳三間掌饌廳五間  
退省號及廣居門之西爲天地人智仁勇文行忠信規

矩準繩紀綱恣度凡一十八號并退省房三連混堂淨房各一所

春明夢餘錄

國初高麗遣金濤等四人來入太學洪武四年濤登進士歸國其後各國及土官亦皆遣子入監監前別造房百間居之名王子書房有奏歸省者命禮部厚賜以榮其歸今太學前有交趾號房蓋成祖設北監以來所以處交趾官生者

長安客話

國初國子生仕進在科第之上其未仕時自出使歷事之外又有大本堂讀書武英殿紀事等清要之責故士出此途者多矣

暇老齋雜記

正統十一年太師英國公暨侯伯二十餘人早朝畢奏曰臣等皆武夫不諳經典願賜一日假詣國子監聽講

上命以三月三日在祭酒李先生時勉命諸生立講五

經各一章講罷設酒饌飲甚懽先生命諸生歌鹿鳴之

詩賓主雍雍抵暮而散亦太平盛事也

寓圃雜記

唐僧洛陽亞栖草書得張顛筆意草書千文在國子監格古要論補

趙文敏公臨王右軍樂毅論黃庭經蘭亭定武本顏魯公爭座位帖張平叔金丹四百字五碑俱在北京國子

監考學館事

唐太宗聞蘭亭真蹟在僧辨才處特遣御史蕭翼賺得武德四年收入秦府貞觀十年始命湯普徹馮承素諸葛貞歐陽詢褚遂良臨之而歐褚兩傳最著後之所謂定武本歐所臨也所謂唐絹本褚所臨也定武本當時

刻石禁中每紙已直萬錢迨後石晉之亂契丹輦之而  
北路棄殺胡林慶曆中李學究得之其子負官緡無償  
時宋景文守定武乃以帑金代償納石于庫熙寧間薛  
師正出牧刊一別本以應求者此郡真贋已有二刻矣  
其子紹彭又換之他石潛易古刻又別損古刻湍流帶  
左右五字爲識大觀中詔向其子嗣昌取龕宣和殿後  
靖康之亂金人取石鼓及蘭亭敘重輿至燕石鼓在  
國學而蘭亭不知所在矣今存國學者疑是定州薛師  
正翻刻本或薛紹彭所刻本雖非古刻然元人不能也  
此石一云明初出天師菴土中一云元順帝北還重輿  
裹載棄之于路徐中山取置國學未詳孰是 春明夢餘

錄

北京國子監版書有喪禮一千二百八十二片類林詩  
集六十二片西林詩集三十片青雲賦五十片字苑撮  
要一百二十七片韻畧四十五片珍珠囊八十二片玉  
浮屠十七片孟四元賦一百十三片 天下書目

昔人好取華麗字以各類事之書如編珠合璧彫金玉  
英玉屑金鑰金匱寶海寶車龍筋鳳髓麟角天機錦五  
色線萬花谷青囊錦帶玉連環紫香囊珊瑚木金鑿香  
藥碧玉芳林之屬未能悉數聞國學鏤版向有玉浮圖  
不知何書當亦屬類家也又有孟四元賦孟各宗獻字  
友之自號虛靜居士金時魁于鄉於府於省於御前故  
號四元其律賦爲學者泐然金史不入文苑之列惟見  
于劉京叔歸潛志耳 錄水亭雜識

永樂二年三月命工部建進士題名碑于國子監命侍  
讀學士王達撰記題名碑有記始此憲章錄

永樂十三年令立石北京國子監登科考

進士題名碑原在國子監大成門下正統間移于太學  
門外國朝典彙

景泰二年五月左春坊左諭德管嗣子司業事趙琬奏

進士題名立石大成門下俾諸生出入皆得瞻仰誠激

勸後學之意正統間移于太學門外風雨飄淋易於損

壞乞勅工部造屋覆蓋以圖經久從之實錄

天順七年八月久雨壞國子監碑亭仆進士題名碑五

通上命有司修碑亭并鑿其碑英宗實錄

明永樂十三年始會試天下舉人于北京登科考謂是  
年即令立石國子監然今無有有之自宣德五年始

永樂十三年乙未陳循榜十六年戊戌李騏榜十九年

辛丑曾鶴齡榜二十二年甲辰邢寬榜宣德二年丁未

馬愉榜碑無太學志戊戌辛丑楊榮撰文甲辰丁未楊

宣德五年庚戌林震榜太子少保禮部尚書兼武英殿

大學士金幼孜撰文禮部精膳司郎中陳景茂篆書

宣德八年癸丑曹鼐榜禮部尚書兼翰林學士楊溥撰

文禮部郎中黃養正書太學志王直撰文

正統元年丙辰周旋榜碑無

正統四年己未施槃榜翰林院學士錢習禮撰文太常

寺少卿兼翰林院侍書程南雲書

正統七年壬戌劉儼榜碑無太學志陳循撰文

正統十年乙丑商輅榜翰林院學士經筵官曹鼐撰文

中書舍人程學書

正統十三年戊辰彭時榜兵部右侍郎兼翰林院侍讀

學士苗衷撰文中書舍人黃采書

泰二年辛未柯潛榜少保兼太子太傅戶部尚書文

淵閣大學士陳循撰文太常寺少卿王謙書

五年甲戌孫賢榜少保兼太子太傅戶部尚書文

淵閣大學士陳循撰文吏部考功司郎中董璵書

元年丁丑黎淳榜吏部尚書兼翰林院學士知制

誥李賢撰文順天府丞余謙書

四年庚辰王一夔榜吏部尚書兼翰林院學士李

賢撰文禮部儀制司員外郎凌耀宗書

天順七年癸未彭教榜少保吏部尚書兼華蓋殿大學

士李賢撰文禮部祠祭司員外郎謝宇書

成化二年丙戌羅倫榜太子少保禮部尚書兼文淵閣

大學士陳文撰文禮部郎中陳綱書

成化五年巳丑張昇榜太子少保吏部尚書兼文淵閣

大學士彭時撰文太常寺少卿林章書

成化八年壬辰吳寬榜碑太學志商輅撰文

成化十一年乙未謝遷榜太子少保戶部尚書兼翰林

院學士萬安撰文太常寺少卿謝宇書

成化十四年戊戌曾彥榜太子少保戶部尚書兼文淵

閣大學士劉珣撰文禮部儀制司主事兼司經局正字

凌暉書

成化十七年辛丑王華榜碑太學志劉吉撰文

成化二十年甲辰李旻榜碑太學志劉吉撰文

成化二十三年丁未費宏榜少傅兼太子太傅吏部尚

書謹身殿大學士徐溥撰文太僕寺少卿姜立綱書

弘治三年庚戌錢福榜少保兼太子太保戶部尚書武

英殿大學士丘濬撰文大理寺右寺副劉棨書

弘治六年癸丑毛澄榜太子太保禮部尚書武英殿大

學士劉健撰文大理寺左寺副兼司經局正字周文通書

弘治九年丙辰朱希周榜太子太保戶部尚書兼謹身

殿大學士李東陽撰文尚寶司卿兼司經局正字劉棨

弘治十二年巳未倫文敘榜少師兼太子太師吏部尚

書華蓋殿大學士劉健撰文太常寺少卿周文通書

弘治十五年壬戌康海榜碑太學志 明遷撰文

弘治十八年乙丑顧鼎臣榜碑太學志 焦芳撰文

正德三年戊辰呂柟榜少師兼太子太師吏部尚書華

蓋殿大學士焦芳撰文太常寺少卿周文通書

正德六年辛未楊慎榜碑太學志 白瑜撰文

正德九年甲戌唐臯榜少師兼太子太師吏部尚書華

蓋殿大學士楊廷和撰文太常寺卿劉棨書

正德十二年丁丑舒芬榜少保兼太子太保禮部尚書

武英殿大學士賈詠撰文太常寺少卿兼經筵侍書劉

榮書

正德十六年辛巳楊維聰榜少師兼太子太師吏部尚書華蓋殿大學士楊廷和撰文太常寺卿劉榮書

嘉靖二年癸未姚涑榜少師兼太子太師吏部尚書華蓋殿大學士費宏撰文太常寺卿劉榮書

嘉靖五年丙戌龔用卿榜碑什

嘉靖八年己丑羅洪先榜太子太保吏部尚書兼武英

殿大學士李時撰文順天府丞周令書

嘉靖十一年壬辰林大欽榜少師兼太子太師吏部尚

書華蓋殿大學士夏言撰文太僕寺卿張文憲書

嘉靖十四年乙未韓應龍榜吏部右侍郎兼東閣大學

士李本撰文通政司使張文憲書

嘉靖十七年戊戌茅瓚榜少傅兼太子太師吏部尚書

謹身殿大學士嚴嵩撰文禮部左侍郎兼司經局正字

張電書

嘉靖二十年辛丑沈坤榜太子太保禮部尚書兼翰林

院學士徐階撰文工部右侍郎談相書

嘉靖二十三年甲辰秦鳴雷榜禮部尚書兼翰林院學

士孫承恩撰文大理寺右寺副

嘉靖二十六年丁未李春芳榜太子太保禮部尚書顧

可學撰文大理寺左寺正吳昂書

嘉靖二十九年庚戌唐汝楫榜吏部尚書李默撰文大

理寺右評事吳應鳳書

嘉靖三十二年癸丑陳謹榜少保兼太子太傅禮部尚

書徐階撰文山東布政司叅議王槐書

嘉靖三十五年丙辰諸大綬榜碑文剝落大學志吳山撰

嘉靖三十八年巳未丁士美榜太子賓客吏部左侍郎

兼翰林院學士郭朴撰文中書舍人管翰林院典籍事

顧從禮書

嘉靖四十一年壬戌徐時行榜後復姓申少保兼太子

太保戶部尚書武英殿大學士知制誥袁煒撰文大理

寺右寺正叢恕書

嘉靖四十四年乙丑范應期榜太子太保吏部尚書兼

武英殿大學士知制誥嚴訥撰文大理寺左評事兼翰

林院侍書李中書

隆慶二年戊辰羅萬化榜太子太師吏部尚書建極殿

大學士李春芳撰文尚寶司少卿兼翰林院侍書吳自成書

隆慶五年辛未張元忭榜少師兼太子太師吏部尚書

中樞殿大學士申時行撰文太僕寺少卿兼司經局正

字徐繼申書

萬曆二年甲戌孫繼臯榜大學士王錫爵撰文光祿寺

少卿兼司經局正字成楫書

萬曆五年丁丑沈懋學榜少傅兼太子太傅禮部尚書

建極殿大學士許國撰文太僕寺少卿兼司經局正字

馬繼文書

萬曆八年庚辰張懋修榜大學士葉向高撰文通政司

知事唐尚忠書



萬曆十一年癸未朱國祚榜太子太保禮部尚書兼武英殿大學士王錫爵撰文大理寺右寺副趙應宿書

萬曆十四年丙戌唐文獻榜記無

萬曆十七年己丑焦竑榜記無

萬曆二十年壬辰翁正春榜太子太保戶部尚書兼文淵閣大學士張位撰文通政司經歷章如鋌書

萬曆二十三年乙未朱之蕃榜太子少保禮部尚書兼文淵閣大學士陳于陞撰文通政司經歷湯應龍書

萬曆二十六年戊戌趙秉忠榜記無

萬曆二十九年辛丑張以誠榜記無

萬曆三十二年甲辰楊守勤榜記無

萬曆三十五年丁未黃士俊榜記無

曆三十八年庚戌韓敬榜記無

萬曆四十一年癸丑周延儒榜少師兼太子太師吏部尚書中極殿大學士葉向高撰文通政司知事周承禹

音

丙曆四十四年丙辰錢士升榜記無

丙曆四十七年己未莊際昌榜記無

八啟二年壬戌文震孟榜記無

八啟五年乙丑余煌榜記無

崇禎元年戊辰劉若宰榜記無

崇禎四年辛未陳于泰榜記無

崇禎七年甲戌劉理順榜記無

崇禎十年丁丑劉同升榜記無

下書開

崇禎十三年庚辰魏藻德榜記無

崇禎十六年癸未楊廷鑑榜碑未立

按進士題名其初釋褐後卽撰記立石後乃有遲之一二十年始立石者至萬曆丙戌己丑則有題名而無記戊戌以後則惟癸丑一榜有記而已士大夫論資格日嚴而忽視題名如此良可歎也

崇禎庚辰上有厭薄進士之意故將下第舉人與廷試貢士史惇等一百六十三人吳康侯等一百人盡畱特用於史惇等上疏請援進士例謁文廟行釋菜禮并立石題名閣臣張四知以爲不可上命如所請大學士周延儒奉勅撰文太僕寺少卿兼翰林院侍書朱國詔奉

勅書并篆額工部營繕司郎中王灝監刻今立石于國學中 慟餘雜記

日下舊聞卷十四終

下舊聞卷十四補遺

城市五 北城上

張千載字毅父廬陵文文山友也文山顯貴屢以官辟  
 皆不就文山自廣還至吉州城下千載來見曰丞相赴  
 北某亦往遂以故宋官營求江西省谷之北寓于文山  
 因所側近日以食奉之凡留燕三年潛造一櫝文山受  
 刑後卽藏其首仍訪文山妻歐陽夫人于俘獲中俾出  
 火其屍千載拾骨寘壘并櫝南歸付其家葬之 吟嚙集  
 王炎午望祭文丞相文嗚呼扶顛持危文山諸葛作  
 相雖同而公死節倡義舉勇文山張巡殺身不異而  
 公秉鈞名相烈士合爲一傳三十年間人不兩見事  
 繆身執義當勇決祭公速公童子易簣何知天意佐

忠憐才畱公一死易水金臺乘風捐軀壯士其或久而不易霜雪松柏嗟哉文山山高水深難回者天不負者心常山之髮侍中之血日月韜光山河改色生為名臣死為列星不然勁氣為風為霆干將莫邪或寄良冶出世則神入土不化今夕何夕斗轉河斜中有光華井公也耶

楊邊集

姚廣孝謁文丞相祠詩凜凜宋忠臣赫赫元世祖禮遇各有道聲光照千古舊祠燕城東松柏森牖戶英靈貫日月勁氣鼓雷雨有司奉朝命維時薦芳醕客來拜庭除欲退復延竚

逃虛子集

太學堂有七爨倫所以會講率性修道誠心正義崇志廣業則諸生不所也

西隱集

廟學建于正統癸亥至弘治十四年尚書曾鑑請修堂宇垣墻并會饌堂十六年二竣櫺星門前舊有小巷橫溝積穢乃買劉福姚浩等地東西濶七丈五尺深入四丈高築屏墻上覆以青琉璃瓦兩旁築小紅牆前為闈干以擁護之

太學志

大成門內石鼓各五西有石鼓文音訓碑一通外持敬門東有元加封聖號詔書碑大德十一年七月建西有元加封先聖父母妻并四配制詞碑一通至順二年九月建對廊樹歷科進士題名碑

同上

崇文閣元藏書之所也今東講堂有碑存

同上

蒲道源崇文閣上梁文我瞻四方京師為首善之地

若稽三代國學為宣化之原皇帝發政施仁仰繩祖

武右文尚德創設儒科政府揚休期大猷之是闡中  
臺集議懼闕典之未興以爲教胄子既有成均尊聖  
經可無侏閣欽承上旨大發積緡官不科需用咸資  
于素畫農無妨作役盡募于閒民朝士程工梓人奏  
技前瞻離位後鎮坎宮雲漢昭回善莪樂育園橋門  
之冠帶藏闕里之詩書擇吉且而舉虹梁協衆誠而  
修燕賀伏願上梁之後朝廷清謚禮樂興行洋洋藹  
絃誦之音濟濟登茹連之十

間若叢蒙

內外學舍之制內號在廣居門右門一座曰退省號舍  
四連共四十九間其南涵室與厠自退省門漸北折而  
西爲天地人知仁勇文行忠信規矩準繩紀綱法度共  
十八號每號計二十一間度字號北有保安堂五間以

處監生之有疾者蘇倫堂後有格致誠正四號計九十  
八間嘉靖七年改建敬一亭外東號在廟左共三十四  
間大東號在東城之北居賢坊賽百萬倉西門街門二  
一曰登俊號舍東西二連共四十一間一曰集英號舍二  
十七間新南號在北城二條衚衕東口門一座東西房  
二連共三十四間南北四間小北號在居賢坊衚衕門  
一座南北房二連共八十間交趾號在監之南門一座  
南北房二連共二十八間西號在成賢街之西北去監  
五十步舊雲閑寺址也小房十間又房二層計九間木  
監屬官通居之北小房四間南一間近西小房十餘間  
大學志

監規國子牛山廣業堂肄業以漸升至率性堂然後積

分量與出身同上

監丞稱太學司直所居曰繩愆廳亦曰東廳博士別有

廳稱爲西廳同上

洪武中國子生出使視行人如覈天下土田稽百司案牘督吏民修水利出有賜還有勞永樂初頒詔論訪輯高皇遺文至同十三道御史問刑慮囚皆舉重務以試之然雖勞績有成無不復監卒業者其後有長差短差之例長差若清黃寫誥之屬短差若承運庫試字司禮監膳本禮部寫民情中書科膳黃之屬短差復監長差則例滿附選待除不復監矣同上

隆慶元年駕幸國學朝鮮陪臣李榮賢等六員各具本等衣冠赴英倫堂外立文臣班次之次同上

視學規制國子監先期灑掃內殿設御座于彝倫堂中

爲至則學官率諸生叩迎升座則率諸生叩拜受經則

諸生環聽堦下還朝宴賞則率諸生叩謝敬事草

袁珙國子監彝倫堂前石碁詩流沙迢迢隔溟渤不

取昆吾鑄奇物杏壇花開春晝遲帝遣良工琢山骨

圓如蒲壁巨如輪三尺瑤臺高捧雲子午南北已定

位度數安用羅星辰六堂深沉更漏早旭日扶桑照

林杪一絲影射白玉盤萬井鐘聲報清曉先生盛服

坐臯北猶記花甌催直時寅賓出納著二典赤心只

許義和知爰則晨昏造小子寸陰自惜勤終始期在

涓埃答主恩大明教化同一晷柳莊集

萬曆甲辰厚載門外皇城一帶墻下忽影出城郭山川

樹木人物諸狀有鐵騎數百臨城城上皆豎旗幟與畫  
圖無異核時乃滅玉芝堂說蒼

歲在壬午乃至元十九年也于是祥興亡且三年矣宋

瑞因中作贊并序曰吾身將相不能救社稷安天下

軍敗國亡辱為俘囚其當死久矣彼執以來欲引決而

無間今天與之機謹南向再拜以死其贊曰孔曰成仁

蓋曰取義惟其義蓋是以仁至讀聖賢書所學何事而

歿而後庶幾無媿宋八相文天祥絕筆龔開文信公傳

虞文靖謂許文正歿後國子監始立官府刻印章蓋文

正為祭酒時尚在舊學所謂王宣撫宅也今國學彝倫

堂前樹傳是文正手植始未必然查浦輯聞

至大四十年八月芝生國學大成殿延祐二年三月芝生

大成殿五年七月芝生大房殿元史五行志

桑澤卿蘭亭考載何子楚跋定武本云大觀間詔取石

龕置宣和殿丙午與岐陽石鼓俱載以北今國學本安

知非與石鼓俱載而北者灸硯錄

國子監碑亭惟西南隅崇禎庚辰進士題名碑下尚可

容兩碑因又立庚辰科特用題名碑僅容癸未科進士

題名碑立于其次更無餘地可以立碑而明之進士題

名止此亦異矣薊丘雜抄

京師設國子學教授諸生於隨朝百官怯薛及蒙古漢

兒官員選擇子孫弟姪俊秀者入國子學元典章

崇禎十四年八月十八日車駕臨雍釋奠禮成上步至

東西兩廡徧閱諸先儒神位諭禮部國子監諸臣曰宋

之周邵二程張朱六子有功聖學今槩稱先儒禮殊未稱歸部其會同詹翰官議所以尊崇之明年二月議定通稱先賢改題六子木主位列七十子之下漢唐諸儒之上告于先師得旨允行鴻一筆記

順天庠儒學在府治東南教忠坊洪武初以元太和觀地爲大興縣學國子監爲府學永樂中以府學爲國子監因以大興學爲府學宣德三年府尹保定李庸修之大學士建安楊榮爲作記正統十一年府尹寧陽王賢重修戶部侍郎廬陵陳循作記成化元年府尹句容張諫與平闇鐸先後又修葺焉大學士淳安商輅作記順天府舊志

循重修順天府學記學在今府治東南教忠坊初

元太和觀也洪武元年以觀爲大興縣學永樂元年陞北平府爲順天府則大興縣儒學例不得設矣遂以爲府學九年同知甄儀建明倫堂東西齋舍十二年府尹張貫建大成殿又建學舍于明倫堂後歲久頽毀寧陽王賢來爲府尹顧其舊址多爲軍民所侵乃謀于府丞番陽王弼治中長沙易斌道判寧海楊轅推官安陸彭理相與請復其地既得請遂撤故新之爲大成殿翼以兩廡前爲戟門以祠先師先賢因舊爲廟以祠宋丞相信國文公爲六齋於明倫堂東西附以棲生之舍會饌有堂有厨有庫而蔽之重門焉明年春教授梁礪葺相與礪石請余文爲記芳洲集



商輅重修順天府學記順天府學永樂初改建至是  
七十年雖數加葺治率因陋就簡未有能侈前規者  
成化改元府尹張君諫相舊齋廡逼近堂廟闢東西  
地廣之堂之北創後堂五間左右房各九間廟之外  
戟門櫺星門皆撤而新之學之門樹育賢坊二東西  
對峙示壯觀也張君去繼爲尹者閩君鐸凡前工未  
畢者旣皆足之復念士乏棲止勞于出入擇前後隙  
地建號房五十餘間學後拓爲射圃崇墉廣廈煥然  
一新尹之功大矣

商文毅公集

大興縣題名記光祿少卿新安尹校書隆慶四年立

函  
山旅話

崇禎己卯上銳意復古倣習試士射宮之制命於賓興

後爲聚較射于國學之觀德堂射者皆戎服壬午亦然

四思堂文集

日下舊聞卷十五

城市六 北城下

昭回坊靖恭坊在北安門東共十四舖有圓恩寺福祥寺裝衣寺 五城坊巷街街集

圓恩寺在昭回坊元至元間建福祥寺在靖恭坊有勅建碑又慈善寺文昌宮俱在靖恭坊 順天府志

靈椿坊八舖 五城坊巷街街集

燕山竇十郎故居或云在城西或云在昌平或云在涿州或云在薊州當時馮瀛王道贈詩有靈椿一株老之句今北城有靈椿坊疑是十郎舊里此靈椿所以名坊也 涿水亭雜識

順天府治卽元大都路總治舊署也先是遼升爲京立  
幽都府又改爲析津府至金爲大興府元初爲大都路  
號大興府官署爲宗正所據官吏辦事佛寺中至大中  
監路平章政事莫吉奏請以錢四萬二千五百緡買靈  
椿里周氏地計十九畝建爲公署永樂定鼎于此遂因  
其署而爲順天府春明夢餘錄

順天府附郭二縣東曰大興西曰宛平府境南爲固安  
霸州北爲昌平東爲通州三河香河玉田西爲良鄉房  
山東北爲薊州東南爲武清西南爲涿州固安之東爲  
東安永清霸州之南爲保定文安大城昌平之東爲懷  
柔密雲通州之北爲順義南爲漷縣東南爲寶坻薊州  
之北爲平谷東爲豐潤東北爲遵化皇祖旣設北平在

政使司因以北平名府永樂中以北平爲行在所改府  
曰順天長安客話

易言湯武革命順乎天而應乎人文皇帝靖難龍興于  
此因以之自命云名勝志

順天府東至永平府五百二十里南至河間府四百十  
里西至保定府易州二百十四里北至延慶州百七十  
里東南至天津衛三百三十里西南至保定府三百三  
十里西北至萬全都指揮使司三百五十里東北至古  
北口二百四十里方輿紀要

舊制三品衙門用銅印惟順天府用銀印誠重之也堂  
懸宣宗皇帝御製箴春明夢餘錄

明宣宗京府箴奕奕京師四方所瞻京尹之職民庶

是誠周之內史漢之三輔不輕畀人擇賢以付國家  
因之有尹有丞亦有庶寮用贊厥成芒芒區域輦轂  
其本王者施仁篤近舉遠爾體于懷務勤與周情必  
上通澤必下流冰清玉剛準平繩直毋儼豪右毋縱  
奸慝趙張邊延顯顯前規毋愧古人祇我訓辭官箴  
王直重修順天府記至元中大都路解署無定制至  
或假民家以庀事其後乃市諸民得地二十畝爲屋  
以居我朝有天下收大都路爲北平府永樂元年北  
京建又收北平府爲順天府因故署爲治正統十四  
年府尹寧陽王侯賢諭于衆改作焉爲正堂後堂各  
五間中堂三間左爲經歷司右爲照磨所前爲大門  
凡三重各三間六曹案牘之舍庫廩庖湍皆完崇卑

廣狹各中程度總爲屋五十八間以正統十四年三  
月十三日興工景泰三年七月落成 王文端公集

雷禮順天府題名記京師古設內史漢改置京兆尹  
其地居轂下憑城社者類橫恣抗法加之五方湊集  
因緣爲奸化難格故唐宋以來選尹皆人望或以親  
王爲之小事專決大事則稟奏受成旨刑部御史臺  
無輒駁異蓋肅清京師鎮撫畿甸必隆重其任有若  
此我文皇龍飛北京收北平軍政司爲順天府于永  
樂六年先置尹丞等官爲都憲王繼延今百有五十  
五年典守定于聖謨者赫然具在而年久法弛事變  
叢生一刀徵派和買之類出于繩墨部臺徃徃以勢  
下誘而一二養望自全者稟不敢詰積爲民蠹聞有

挺節廷諍以肅清填撫爲已任則云生事沽名九原  
可作安得起國初名京兆與之論職守也哉確山受  
齋劉公總尹務鈞陽穎谷馬公以丞副之慨然有概  
于中思法前修表京師因闕碑刻多訛逸復蒐輯增  
次具其姓名籍貫及歷官大畧鐫之于石請記于余  
余惟古之圖容貌表室廬官氏使善者知思而慕之  
惡者知指而噍之凡以示懲勸策事功也况自昔京  
兆行事得失載之史籍萬世可鏡又不徒爲一時四  
方取則而已唐人諺云前尹赫赫其瞻允若後尹熙  
熙具瞻允若言敷政寬嚴不同其以治稱一也又云  
前尹舉其綱而太簡次尹綜其目而太密後尹毀常  
法而取一時之聲言寬嚴失宜均之爲世所譏今二  
公坦易相符政不務苛細而繩檢截然人方以赫赫  
熙熙並譽迺又卽其前刻于石者時觀省焉愧予前  
尹順天不足爲後人景法而附記于此亦竊與載名  
之榮云

古和棠

葉向高順天府題名記令甲三歲一計吏治自岳牧  
以至尉史鱗鱗於闕廷而京兆實釋郡事綱紀之意  
蓋云維茲郡吏其式化于王畿故郡吏之視京兆不  
啻望表起鵠夫內備列卿而外倡九牧秩尊而於民  
親則無如京兆者二百年來名公鉅卿多由茲奮確  
山公嘗刻其名于石而司空豐城雷公爲之記歲  
久石泐今尹廣陵錢公少尹蘭西劉公礪石續記而  
以記屬余矣司空嘗官京兆宜能言京兆余越俎而

譚非其任矣然余有職于掌故不能辭則嘗取司空  
言讀之若慨然有慕于國初諸臣之丰裁而惻切于  
年來因循叢蠹之非是其爲京兆規云啻詳矣余惟  
國家初造耳目維新聲靈震乎遐隄而功令肅于庶  
府京邑翼翼四方之極奉職順流亦可以爲理故其  
治易也其後襲恬承熙輦轂之下日膏沐涵濺于太  
平之休澤寢以窳惰而五方殊技輻輳灌輸奔命于  
上國都市之政雜而多端奸日萌生治稍難焉又其  
後則恬熙益深耗蠹愈甚九閭之聽旣高而豐蔀之  
勢易壅郊圻之內若隔萬里勢家寺人作姦犯科官  
府之令不行京兆之難治遂爲天下最矣蓋嘗總郡  
國之政論之其在開創則外難而內易何者依日月

者愈近而易爲光也其在承平則外易而內難何者  
憑城社者愈近而易爲蠹也方司空時去國初纔百  
五十年度事揆勢已異昔日馴至于今又數十年矣  
職京兆者其感慨嘆息當抑又甚焉弊久則窮窮則  
復思其始今日之京兆亦起弊反始之一時已今天  
子神聖加意三輔赫然有願治之思而錢公劉公皆  
當世名臣協力同心以理京兆將見畿甸太和百度  
咸修寧復有如司空之所慨也余故樂爲之記以請  
于二公若夫建置之由事權之重寬嚴忠佞不同足  
以鑒往詔來語具司空記中在事者業稔聞之矣

葭草

天星堂在順天府後內空洞上覆以格有郡國方位圖

冬至日懸毛羽驗氣之盛則其歲豐 耳譚

順天府治後東北隅有候氣堂冬至日以葭管吹灰候

之申時行有重修候氣室記 燕都游覽志

中心閣在府西元建以其適都城故各閣東十餘步

有臺繚以垣臺上有碑刻中心臺三字 明一統志

八蜡廟在府治東北 順天府志

張鳴鳳安定門寓目詩北門一望路漫漫山後翮亭

白日寒壯士不須誇絕漠長城烽火照長安 洋浮集

金臺坊九舖有萬寧寺法通寺淨土寺千佛寺 五城坊

巷徧所集

大德九年二月建大天壽萬寧寺 元史成宗紀

成宗十魯罕皇后京師勅建萬壽寺中塑秘密佛像比

形醜怪后以手帕蒙覆其面尋傳旨毀之 元史后妃傳

泰定四年五月作成宗神御殿于天壽萬寧寺 元史泰

定帝紀

天壽萬寧寺在鼓樓東偏元以奉安成宗御像者今寺

之前後皆兵民居之從涵室而入有穹碑二尚存長各

二丈餘西一碑國書不可讀東一碑歐陽原功文張起

巖書姚慶篆額題曰成宗欽明廣孝皇帝作天壽萬寧

寺神御殿碑其北列明碑四一為馮祭酒夢禎文一為

焦太史竑文 析津日記

危素為翰林學士居鐘樓街會稽王山農晁遊大都常  
見其文而不相識一日危騎而過山農所與之坐不問  
其姓名徐曰君非鐘樓街住耶危曰然不出他語而罷

人問之山農曰吾觀其文有詭氣目其人舉止亦然料知必危太僕也

霏雪錄

萬寧橋在海子東岸跨玉河上流

明一統志

澄清閣在鼓樓南海子東岸萬寧橋西至元二十九年

建名海子閣

水部備考

元時海子岸有萬春園進士登第恩榮宴後會同年於

此宋顯夫詩所云臨水亭臺似曲江也今失所在

涿水

亭雜識

張公海棠二株在鐘鼓樓東中貴張宅中元時遺物幾

本數十圍修幹直上高數丈下以朱欄障之參差敷陰

猶垂數畝近日易主不知其幾矣

燕都游覽志

齊政樓在府西海子東岸元建蓋取齊七政之義

明

統志

千佛寺萬曆九年孝定皇太后建

春明夢餘錄

寺在德勝門北八街口殿供毘盧舍那佛座繞千蓮蓮

生千佛時朝鮮國王貢尊天二十四身阿羅漢一十八

身詔供寺中其像銅也而光如漆尊天所執持器乘海

失之補之厥工遜矣寺南一里有小千佛寺

帝京景物

畧

千佛寺建於明萬曆初中有長沙楊守魯安陽喬應春

二碑皆鎮陽林潮書潮以鴻臚寺主簿直文華殿中書

應春碑稱諸天阿羅漢皆太監楊用所鑄劉同人帝京

景物畧乃謂為朝鮮國王所貢當以碑為實也

涿水亭

雜識



楊守魯千佛寺碑記畧西蜀僧偏融自廬山來游京師御馬監太監楊君用以其名薦之司禮監馮公保隨貿地于都城乾隅御用監太監趙君明揚宅也將建梵刹迎偏融主佛事聞于聖母皇太后捐膏沐資潞王公主亦佐錢若干緡卽委楊君用董其役辛巳秋落成寺南向爲山門爲天王殿爲鐘鼓樓中爲大雄寶殿爲伽藍殿後爲方丈爲禪堂爲僧寮爲庖滷爲園圃左右側則有龍王廟及井亭養老禮賓諸所靡不備

燕都游覽志

喬應春新建護國報恩千佛寺寶像碑畧大司禮樞輔馮公上承聖母皇太后命特建寶刹於是御馬監太監楊君用受偏融上人指鑄毘盧世尊蓮花寶座

千佛旋繞四向若朝者然鑄十八羅漢二十四諸天復塑伽藍天王等像工始于萬曆庚辰浹歲而告成辛巳秋七月旣望立石

同上

吉祥寺在府治西元泰定間建

明一統志

日中坊在北安門西二十二鋪

五城坊巷斷續集

金水河源出宛平縣三泉山流至和義門南水門入京城至大四年七月奉旨引金水河水注之光入殿西花園石山前舊池置牀四以節水

元史

張翥金水橋上聞苑池荷香作立馬金河上荷香出苑池石橋秋雨後瑤海夕陽時深樹棲霞早微波浴象遲煩矜一笑爽正喜好風吹

蛻菴集

張羽燕山春暮作金水橋邊蜀鳥啼玉泉山下柳花

飛江南江北三千里愁絕春歸客未歸靜庵集

張和金河橋期友納涼不至作涼月鑑廣津微風集

高樹翻翻棲鳥驚杳杳流螢度蕭條旅中懷悵望橋

東路有約君不來無語獨歸去篠菴集

馬祖常御溝春日詩御溝流水曉潺潺直似長虹曲

似環流入宮墻才咫尺便分天上與人間春波十頃

碧琉璃白日樓臺照影時好為畫船都載酒半酣西

望碧參差水南沙路雨清塵桃李花開蛺蝶春三月

京華寒食近東風十里酒旗新石田集

薩都刺立春御溝作燕姬白馬青絲韁短衣窄袖銀

鐙光御溝飲馬不回首貪看柳花飛過墻薩天錫詩

集

未褰御溝詩泱泱穿雲出欄初千廻百折到皇姑

人不敢來飲馬稚子時能坐釣魚內史府前晴泥漾

雲巖觀後晚舒徐波漫畧初通丹禁風颺輜駟映畫

裾三月霏烟着楊柳九秋涼露泣芙蓉荒唐莫說流

紅怨自是清漣解起予燕石集

又早出過御溝作殘月欲落日未生樹根交合清水

明翠花迢迢沙磧杳銅駝陌上馬聲少同上

藥王廟在北安門海子之西偏廟東瀕海子宜賓初月

萬柳沿隄客多載酒其間鷗波魚藻真長夏時一清涼

界燕都游覽志

藥王廟天啟中魏忠賢所建也落成時帝加獎諭賜資

甚厚當年必有豐碑而今無片石蓋為人所踣矣涿水

火神廟在北安門湖濱金碧琉璃照映漣漪間西與藥王廟相並

燕都游覽志

北城日中坊火德真君廟元至正六年建萬曆三十三年改增碧瓦重閣焉前殿曰隆恩後閣曰萬歲景靈閣左右輔聖弼靈等六殿殿後水亭望北湖殿墀二碑一右春坊朱之蕃撰一禮部侍郎翁正春撰帝京景物畧天啟元年三月命太常寺官以六月二十二日祀火德之神著為令燕宗實錄

袁中道過火神廟詩作客尋春易游燕遇水難石枰深樹裏誰信在長安

珂雪齋集

海子在府西三里汪洋如海中有菱荷鷗鳥可玩

記纂

淵海

禁城中外海子即古燕市積水潭也源出西山一畝馮眼諸泉繞出甕山後匯為七里灤紆迴向西兩行數十里稱高粱河將近城分為二外繞都城開水門內注潭中入為內海子繞禁城出翼方流玉河橋合外墜入于大通河

湧幢小品

積水潭在都城西北隅東西亘二里餘南北半之西山諸泉從高粱橋流入北水關匯此或因內多植蓮名為蓮花池或因水陽有淨業寺名為淨業湖內官監向嚴魚禁今稍弛矣酒後一葦山光水色簫鼓中流時復相遇江以北來無此勝游然泛必從小徑抵鰕菜亭乃盡幽深之致每年三伏日錦衣衛率御馬監官校浴馬湖

干如濯雲錦中元夜寺僧于淨業湖邊放水燈雜入蓮  
花中游人設水嬉爲盂蘭會梵唄鐘鼓雜以宴飲達旦  
不已水中花炮有鳧雁龜魚諸種冬時湖凍作小冰牀  
各坐于上一人挽行輪滑如驟駛好事者恒覓十餘牀  
攜圍爐酒具酌水凌中積水潭水從德勝橋東下橋東  
偏有公田若干頃中貴引水爲池以灌禾黍綠楊鬚鬚  
一望無際稍折而南直環北安門三右流入禁城  
爲太液池汪洋如海俗呼海子套並同補鏡志  
海子岸上接龍王堂以石甃其四周海開水門蓄水潭  
聚西北諸泉之水流入都城而滙于此西出謂海都  
人因名焉仁宗延祐六年二月都水監討會前後與元  
修舊石岸相接五日興工十一日工畢至治三年三月

大都河道提舉司言海子南岸東西道路當兩城要衝  
金水河浸潤於其上海子風浪衝齒于其下且道狹不  
時潰陷泥濘車馬艱于往來如以石砌之實永久之計  
也泰定元年四月工部應副工物七月興工八月工畢  
元史

至元三十年秋車駕還自上都過積水潭見舳艫蔽水  
天顏爲之開懌特賜都水監郭公錢一萬二千五百緡  
仍以舊職兼提調通惠河漕運事元名臣事畧

張怡雲能詩詞善諧笑名重京師趙松雪商正叔高房  
山爲寫怡雲圖以贈姚牧菴閻靜軒每於其家小酌一  
日過鐘樓街遇史中丞中丞欲偕行速從者歸攜酒饌  
因共造海子上之居姚闔呼曰怡雲今日有佳客此中

丞史公子也張便取酒壽史歌雲間貴公子玉骨秀橫  
秋水調歌一闕史甚喜有頃酒饌至史取銀二定酬歌  
席終左右欲徹金玉酒器史云休將去賞音如此青樓集

趙孟頫大都紅門外海子上卽事詩白水清山引興  
多紅裙翠袖奈愁何祇從暮醉兼朝醉聊復長歌更  
短歌輕燕受風迎落絮遊魚吹浪動新荷餘杭溪上  
扁舟好何日歸休理釣蓑松雪齋集

元虛亘海子上卽事詩馳道塵香散玉珂彤樓花暗  
弄雲和光風已轉瀛洲草細雨微添太液波月榭管  
絃催曙發水亭簾幙受寒多少年易動傷春感喚取  
青霞對酒歌皇元風雅

宋本詩渡橋西望似江鄉隔岸樓臺卷畫粧十頃玻  
璃秋影碧照人騎馬過宮牆至治集

許有壬飲海子舟中江城子詞柳稍烟重滴春嬌傍  
天橋住蘭橈吹暖香雲何處一聲簫天上廣寒宮闕  
近金晃朗翠峯堯誰家花外酒旗高故相招儘飄搖  
我政悠然雲水永今朝休道斜街風物好纔此去便  
塵囂圭塘小菴

宋裴海子岸望海潮詞山含烟素波明霞綺西風太  
液池頭馬似游龍車如流水歸人何暇夷猶叢薄擁  
金溝更蕭蕭宮樹調弄新秋十里烟波幾雙鷗鷺兩  
漁舟暮雲樓閣深幽政砧杵丁東弦管啁啾澹澹星  
河熒熒燈火一時清景難酬馬上試寫樓填入耆鄉

譜摸寫風流明日重來柳下攜酒教名謳燕石集  
海子南岸舊有海子橋亦名月橋俗呼三座橋近漸圯  
燕都游覽志

傳若金海子詩獨步金河上遙看碧海隅橋疑通月  
窟船或到方壺屋室寒休杼龍宮夜出珠浮槎八月  
晚應念客星孤傳與礪詩集

馬祖常海子橋詩南望蓬萊觀行人隔苑墻有時馴  
象浴不見鷗翔宮樹飄秋葉江船認石梁辟雍真  
可作擬賦獻文王石田集

又詩朝馬秋塵急天潢曉鏡舒影圓雲度鳥波靜藻  
依魚石棧通星漢銀河落水渠無人洗寒露爲我媚  
芙蓉同上

王蒙海子橋詩暮登海子橋西繞紅門歸霜風著宮  
樹葉葉帶紅飛據鞍吹短篴乘月嵩征衣江南水雲  
裏音信寄來稀列朝詩集

宋褰過海子觀浴象詩四蹄如柱鼻垂雲踏碎春泥  
亂水紋鴻鵠鷓鴣好風景一時驚散不成羣燕石集

程敏政海子詩十里城陰路西湖一派分秋晴沙岸  
尾時見白鷗羣程敏政集

常倫經海子詩積水明人眼蒹葭十里秋西風搖雉  
堞晴日麗粧樓柳徑斜通馬荷叢暗渡舟東隣如可  
問早晚清幽常評事集

吳維嶽經海子詩閒行豈爲趁芳菲湖水東看入禁  
闈樓閣倒涵千樹影笙歌深駐五龍旂榴花欲雨新

經眼草色搖沙欲上衣通籍十年惟混世羣鷗何事  
亦驚飛霽寰集

大慈恩寺在府西海子上舊名海印寺宣德四年重建  
明一統志

海子橋北舊有海印寺宣德間重建改名慈恩今廢爲  
廠長安客話

李東陽慈恩寺詩水繞湖邊樹花垂石上藤長來寺  
前坐不識寺前僧懷麓堂集

李夢陽上巳過海印寺作勞生苦役役况乃值溫陽  
林園有嘉榮蹊渚生柔芳乘簡迹已陳祓禊難獨忘  
駕言適蓮宇逶迤陟虹梁魏宮延暮色陂樹謁青蒼  
詎知幽勝區占茲佳麗鄉居然心境寂彌增塵路傷

空同集

又鏡光閣詩吾生走紛境性意苦不適竭來鏡光遊  
不覺祇樹夕鳥藏丹閣暮蕭械柿葉赤杏如造巖壑  
閭焉寡人迹其王戴今冠天子之所客迂我簪荀下  
坐我紅罽席落日入虛牖窈窕雲光白團團石蓮燈  
照耀錦繡壁忽聞鈴磬發轉悵俗務迫靜躁本殊科  
利義各有癖伊余竟何爲奔併阻行役乞君摩尼珠  
一瞭幸不惜同上

何景明慈恩寺詩海子橋西寺高樓御苑花中流自  
日月平地有烟霞客至開金殿宸游想翠華十年復  
到此朋舊各天涯大復山人集

孟洋過海印寺作傍湖臺殿何年起遶寺烟波望不

窮樹裏逶迤銀漢接宮前宛轉玉河道長橋晚落千  
尋影高閣晴含萬里風滄海漫求人世外蓬萊今在  
帝城中孟有涯集

胡侍九日同諸公登海印寺鏡光閣詩湖景澄珠閣  
雲虹度石梁行攀雙樹杪坐對九華觴水抱香城入  
山橫禁苑長憑高不厭晚待月詠禪牀漾齋集

袁袞登鏡光閣詩絕磴翔雲上飛軒踐斗迴旗亭開  
百市魏闕枕三台地接榆關險山迎桂苑來登高還  
望遠秋氣使人哀袁承之集

各應峻鏡光閣詩鏡光閣在帝城邊遙控西山奠北  
川忽有風雲來絕塞坐看雷雨下諸天微茫野色似  
堪畫漭沆中流好放船東下林塘幽絕處江南秋望

此依然蘭暉堂集

范言鏡光閣詩尋芳偶到慈恩寺石榻山僧入定時  
獨上鏡光開晚閣坐看雲氣動春池行厨竹裏煙初  
禁御漏花前日正遲寂寞東房無好約青袍白馬欲  
何之蕭陽集

朱大啟經海印廢寺詩我行海子橋不見鏡光閣惟  
有青蓮花涼風吹又落易寄軒集

李長沙賜第在西長安門西俗呼李閣老衡衡是也其  
別業在北安門北集中西涯十二詠程篁敦學士和之  
有桔槔亭楊柳灣稻田菜園蓮池而響牀鐘鼓樓慈恩  
寺廣福觀皆在十二詠中今其遺址不可問當在越橋  
相近蓋響牀即越橋下牀而鐘鼓樓則園中可遙望爾



銀錠橋在北安門海子三座橋之北此城中水際看西山第一絕勝處也橋東西皆水荷菱菰蒲不掩淪漪之色南望宮闕北望琳宮碧落西望城外千萬峯遠體畢露不似淨業湖之逼且障也

燕都游覽志

陸欽歸自城西至玉河北作參宮樹殿東西樹裏

青山落日低回首旌旗猶未定晚來風起玉河堤

春雨堂稿

德勝橋在德勝門內西有積水潭潭水注橋下東行橋卑不能度舟湖中鼓柁人抵橋俱登岸空舟順流始得渡復登舟東泛綠柳映坂縹萍蒹波黍稷稔稻的的原田高城數里古色如一薜荔墻轉而南但黎光益徑僻

岸無行人古槐濃樾覆陰如晷畫溪御馬監所領天閑

上駟每歲六月六日中貴人用儀仗鼓吹導引洗馬于

德勝橋之湖上三伏皆然

燕都游覽志

淨業寺從德勝門西循城下行徑轉得此寺昔為智光寺之基寺東有軒二楹可坐寺前舊作廠棚列席浮尊宴飲殊適今廢矣湖上有魚藕監

同上

劉效祖看蓮詩杖履吾何適逢僧曲水邊三乘開寶地六月湧金蓮雨過塵心淨風來爽氣偏浮生閒自惜不是為逃禪

劉念菴詩集

朱國祚夜宿淨業寺詩僧樓佛火漾空潭李廣橋低積水含一夜朔風喧樹杪薊門飛雨遍城南

介石齋集

鍾惺集淨業寺詩如此匆匆際禪棲肯再來曾無三  
口隔又見數花開童負桃笙至僧籠菜甲回出門拚  
一宿無復候人催 隱秀軒集

太平菴在淨業寺北循城垣有橋橋下爲水關清流瀧  
瀧南流注入大湖嶼左爲菴菴小而潔 燕都游覽志

水關在德勝門西里許水自西山經高梁橋來穴城趾  
而入有關爲之限焉下置石螭迎水倒噴旁分左右旣  
翕復吐聲淙淙然自螭口中出 同上

德勝門之西城垣下有水竇焉西山諸水從此流入都  
城水口爲石犀以當之遇衝突緩水勢也而菴其上名  
曰鎮水觀音菴其北卽水入處泠泠有海潮之音菴初  
自成祖時姚少師而內臣銅公者實續成之 長安可游

註

于慎行北闕詩西城別苑勝瀛洲十里平湖靜不流  
岬草離迷橋畔雨宮髡隱映水邊樓聲傳簫管三天  
近香散芙蓉六月秋信道吾皇簡遊幸石鯨飛處鎖  
龍舟 穀城山房集

公羅苑北水關小寺詩淨域青蓮會明湖玉鏡遊水  
原分太液客至自瀛洲頓起濠梁想疑來洞壑幽弄  
珠乘月去晚吹覺新秋 問次齋稿

蓮花社有亭在水關西今傾也 燕都游覽志

鰕菜亭在蓮花社西一藩隔之水部戴大圓建 同上  
舊城巋然傑塔云是元時舊址中作鐵溝昔時以車運  
水上流者今尚堅緻寒蘚荒苔遙映林泉翠菂殊可憑

高弔古同上

德勝門城上鐫趙子昂書德勝門三字同上

天啟壬戌四月四日德勝門甕城內真武廟前枯槐二株樹心烟起至稍用鋸截之乃止頌天爐筆

黃訓出德勝門詩已巳王師出安危在此門萬家裹囊橐一老柱乾坤礮下鹵無骨帳前兒有不忠勳何

處顯白日照中原黃潭先生詩集

王家彥字尊五福建莆田人天啟壬戌進士協理京營兵部右侍郎崇禎十七年三月守德勝門城陷自投城下不死折臂及足其僕扶入民舍自縊死昭忠錄

甲申寇偏王公家彥坐安定門歎曰我總督團營今日城破萬死難贖且義不可污賊刃遂自縊上城樓未幾

礮發城樓復壓後出其屍于瓦礫中其甥楊負而殮之甲申傳信錄

按王公之死諸書皆云在德勝門惟傳信錄作安定門諸書皆云自投城下惟傳信錄作自縊城樓所聞異辭並存俟考

三聖菴在德勝街左巷後築觀稻亭北為內官監地南人于此藝水田稷秔分勝夏日桔槔聲不減江南燕都游覽志

袁宗道三聖菴紀游畧德勝門內東偏有公田若干頃中貴治之引水為池以漚沿池數里緣楊鬚鬚一望無際池邊一菴曰三聖面市背田門前古木四章身如青銅亭亭直上蒼翠可愛殿堂不甚崇然極雅

麗 蕭碧堂集

菴背水田門前古木四柯如青銅其西有臺臺上亭曰觀和

帝京景物畧

德勝門水次稻田八百畝以供御用內監四十人領之

客燕雜記

龍華寺在德勝門東成化三年建萬曆五年重修

春明夢餘錄

成化三年錦衣衛指揮僉事萬貴自創寺成疏請寺額于朝憲宗賜額曰龍華寺有沙門道深碑記萬曆中修撰朱之蕃復為碑記焉寺門稻田千頃南客思鄉者數過之

帝京景物畧

龍華寺明碑二其一播陽釋道深撰廣陵起昂書撫寧

侯朱永篆額共一金陵朱之蕃撰高陽孫承宗篆額永春李開藻書文辭甚俚不足觀

涿水亭雜識

張佳循詩地有龍華勝心隨石榻清春風一枕到孤月萬松明花散諸天雨鐘鳴不夜城抽簪如可得于此悟無生

崑崙先生集

劉應秋避者龍華寺作無地堪逃暑清齋試掩扉庭空雙鳥過日落一僧歸多病藥為茗臨風亭作衣浮名今老大久矣息塵機

劉大司成集

十刹海在龍華寺之前方五十畝室三十餘間相比如號舍佛殿亦分一舍不更廣也初作者三藏師陝西人

帝京景物畧

佑聖寺在龍華寺之後有嘉禾張文憲碑稱寺係唐咸

通年建嘉靖三十九年重修 涿水亭雜識

金剛寺在積水潭之上興德寺東寺有石勒金剛經前小閣後靜室紙牕棐几殊有幽趣後乃改泐大殿高閣左右翼樓數十楹往昔清深幽遠之致盡化于砂礫間矣 燕都游覽志

金剛寺即般若菴也背湖水而曲巷舊有竹數叢小屋一區萬曆中蜀僧省南大之前立大殿後建高閣寺西廡石刻金剛經署宰官名倩人筆也士大夫看蓮北湖每一憇寺中 帝京景物畧

興德古刹左傍地俱售之般若菴逼仄不能容步右傍多僧舍修篁綠籬叢木青柯相望楚楚後有平臺大可畝許解帶臨風開襟敵水固不減在濠濮間也 燕都游

燕志

從興德寺折北而西為蓮花菴疎林朗樾含吐餘清後一臺瞰湖陽諸寺若列眉案隣有火神祠後亦有臺可以眺遠 同上

于慎行詩禪宮遙倚北樓開樓下平湖落照來金水環城全象漢蓮花湧寺宛成臺諸香各捧空王座一葉能浮太乙杯便是忘歸歸亦醉夕陽清角莫相催 穀城山房集

吳惟英詩去年花外客今復到長堤淺水兼天濶新蒲與坼齊鐘傳高閣遠柳覆小橋低指點村烟起歸心促馬蹄 墨齋齋集

清虛觀廣福觀俱在日中坊 順天府志

李東陽廣福觀詩飛樓凌倒景下照清徹底時有步

虛聲隨風度湖水 懷麓堂集

萬嚴寺在城內北元至治元年建 寰宇通志

廣化寺在日中坊鷄頭池上元時有僧居之日誦佛號

每誦一聲以米一粒記數凡二十年積至四十八石因

以建寺焉 析津日記

漫園在德勝門積水潭之東米仲詔先生所構有閣三

層先生嘗為湛園勺園及此而三 燕都游覽志

定國徐公別業從德勝橋下右折而入額曰太師圃前

一堂堂後紆折至一沼一頗踈曠沼內翠葢丹英錯雜

如織沼北廣榭後擁全湖高城如帶庭有垂楊裊裊拂

地婆娑可翫堂左右書室西築高臺聳出樹杪眺望最

遠濱湖園為第一 同上

孝廉劉百世別業堂三楹南有廣除眺湖光如鏡故名

鏡園下有路委折臨湖門作一臺望山色遙青可鑒臺

下地最卑眺湖較遠今屬冉都尉 同上

相國方公園在城北水關西 同上

劉茂才園枳三楹北向無南榮東纒層級而降下作朱

欄小徑北軒二楹南有小沼種蓮北扉當湖東有書室

上作平臺此地居湖中乃南北最修處所以獨勝 同上

湜園者太守苗公君頴別業也西面望湖 同上

楊園在湜園稍南楊侍御新枳 同上

發祥坊七舖有大興左衛崇國寺正覺寺弘善寺白米

崇國寺在皇城西北隅定府大街元時有東西二崇國寺此則西崇國寺也趙孟頫書有寺碑宣德間重建賜

額大隆善護國寺今都人猶稱崇國焉燕都游覽志

大隆善護國寺都人呼崇國寺始至元皇慶修之延

祐修之至正又修之元故有南北二崇國寺此其北也

宣德己酉賜名隆善成化壬辰加護國名正德壬申勅

西番大慶法王領占班丹大覺法王著旨藏上等居此

中殿三旁殿八最後景命殿殿傍塔二曰佛舍利塔成

化七年勅碑二正德七年勅碑二梵字碑二又天順二

年碑二其一西天大刺麻桑渴巴刺行實碑其一大國

師智光功行碑又有元碑四其一至元十一年重修崇

國寺碑沙門雪礪法稹撰其一至正十四年皇帝勅諭

碑其一皇慶元年崇教大師演公碑趙孟頫撰并書其

一石斷為七環鐵束而立之至正二十四年隆安選公

傳戒碑危素撰并書寺為脫脫丞相故宅今千佛殿傍

立一老髯幘頭朱衣一老嫗鳳冠朱裳者脫脫夫婦也

後僧錄司司右姚少師影堂少師佐成祖為靖難首勳

侑享太廟嘉靖九年移祀大興隆寺俄寺災移此木主

題推忠報國協謀宣力文臣特進榮祿大夫上柱國榮

國公姚廣孝像露頂袈裟趺坐上有偈署獨菴老人題

獨菴少師號也帝京景物畧

京師有姚少師畫像面大方肥紅袍玉帶髡頂上戴唐

帽今崇國畫像猶是僧服姿容瀟灑雙睛如電光之燦

像贊云看破芭蕉拄杖子等閑徹骨露風流有時搖動  
龜毛拂直得虛空笑點頭蓋本色衲子語 長安客語

成化八年七月修隆善寺畢工命工匠張定住等三十  
人爲文思院副使寫碑官尚寶司少卿任道遜爲本司  
卿司丞程洛爲少卿於是工科都給事中王詔等言方  
修寺之初臣等失于論諫固已獲罪于陛下不容于清  
議矣今寺成碑完而官爵之濫如此彼西征徼伐捐軀  
殞命之人將何以勸酬之 憲宗實錄

番僧有數等曰大慈法王曰西天佛子曰大國師曰國  
師曰禪師曰都綱曰轉麻俱光祿寺支待有日支酒饌  
一次二次三次又支廩餼者有但支廩餼者上卽位初  
禮部尚書胡濙等議減去六百九十一人正統元年五

月濙等備疏慈恩隆善能仁寶慶四寺番僧當減去者  
又四百五十人 英宗實錄

趙孟頫大崇國寺佛性圓融崇教大師演公碑銘畧  
師名定演俗姓王氏世爲燕三河人七歲入大崇國  
寺事隆安和尚爲弟子世祖皇帝賜號佛性圓融崇  
教大師至元二十四年別賜地大都乃與門人協力  
興建作大殿以像三聖樹高閣以庋諸經丈室廊廡  
齋厨僧舍悉皆完美故崇國有南北寺焉時昊天宿  
德雄辯大師授以道宗刺血金書戒本於是祝髮之  
徒以萬計稽首座下尊禮師爲羯磨首師自蒞講席  
數蒙聖恩嘗賜白玉觀音菩薩像臨終之日具湯沐  
淨髮與門人別怡然長往舊制近郭禁火化師卒以



聞時上在春宮特旨有司賻喪令於城西南淨土院  
茶毗獲舍利數百粒翌日塋魯郭之野起支提焉

松  
雪齋集

袁宏道崇國寺遊記崇國寺僧引觀姚少師像像贊  
皆本色衲子語少師自題也過番僧舍觀曼殊諸大  
士變像藍面猪首肥而矮遍身帶人頭有十足駢生  
者所執皆兵刃形狀可駭僧言烏斯藏所供多此像  
因談彼國風俗及道里險遠之狀大率烏斯藏諸國  
以中國最下茶爲國寶市物皆用之黃白金反滯不  
得行國無稻所食皆麥菽數十里一君如中國之郡  
邑然僻陋儉苦之鄉也

袁中郎集

按趙子砥燕雲錄稱奉使官中書侍郎陳過

庭門下侍郎耿南仲并文武五十餘員元在  
真定丁未八月遣詣燕山崇國寺安泊則崇  
國寺金已有之蓋南北二寺北建自演公南  
則金之舊今已迷其處矣

正覺寺弘善寺俱在發祥坊有勅建碑

順天府志

日下舊聞卷十五終

口下舊聞卷十五遺

城市六

北城下

都人呼飛放泊為南海子積水潭為西海子按海子之名見於唐季王鎔為鎮帥有海子園嘗館李匡威於此北人凡水之積者輒目為海若寶坻之七里海昌平北之四海冶是也元時運船直至積水潭王元章詩燕山三月風和桑海子酒船如畫樓想見舟楫之盛自徐武寧改築北平城後運河海子截而為二城內積土日高雖有舟楫橋梁不能度矣

詠歸錄

黃清老海子上有期作金堤晴日共鳴鑣傾蓋松陰待早朝數盡荷花數荷葉碧雲移過水東橋  
馮有經龍華寺詩湖際先朝寺幽棲驗物情磬聲松

下靜鳥語竹間清  
菰米羞香飯  
園葵薦露羹  
重來知幾日  
虛負老僧盟

幾輔詩存

朱德潤觀內  
既洗馬詩  
黃雲灑雨沙  
塲秋灘高水  
平凝不流  
曉霜襲透蒼  
駝裘  
園人浴馬  
津水頭綠  
驃連錢雙  
驂驢日光  
射波脂膩  
浮青絲脫  
鞵黃金鈞  
輕爬短刷  
濕未收三  
花剪鬣平  
且柔籜雲  
駿氣將無  
儔束芻斗  
豈馬羞茫  
茫草生林  
丘箱蹄何  
爲踏長楸  
振鬣一躍  
期天遊

存復齋稿

李時勉春日遊海印寺詩  
禪刹凌空出山門  
近水開遠尋  
祇樹底斜過  
禁城隈  
鳥熟嘗庭下  
僧閒愛客來  
一燈還續火  
添劫獨餘灰  
傍海宜看月  
談空想渡杯  
佛存金擁象  
砌古石扶臺  
方丈無塵到  
危巢有鶴回

長廊聞梵罷  
蹄騎夕陽催

古廉集

王梅秋日登鏡光閣詩  
紺園珠閣帝城邊  
下有晴波接御川  
彩仗不聞龍艦合  
珠簾如隔鳳笙傳  
秋風車馬平陽館  
落日溝塍杜曲出  
撫景未能攜麗藻  
登臨空自感流年

柘湖遺藁

崇國寺佛殿前曰延壽後曰崇壽再後曰三仙于佛之殿趙子昂書崇教大師演公碑危太樸書隆安選公傳戒碑在千佛殿阼階南僧雪澗書重建寺碑在千佛殿西階南又有至正十四年聖旨碑上序元諸帝皆用國語所云成吉思皇帝者太祖也窩濶台皇帝者太宗也薛禪皇帝者世祖也完澤篤皇帝者成宗也曲律皇帝者武宗也普顏篤皇帝者仁宗也格堅皇帝者英宗也

忽都篤皇帝者明宗也亦憐真班皇帝者寧宗也中不  
及文宗者後至元六年以帝謀不軌使明宗飲恨而崩  
詔撤其廟主故碑文亦不書也陶氏輟耕錄載元世系  
完澤篤作完者篤格堅作華堅忽都篤作忿都篤亦憐  
真班作懿憐真班當以石刻爲正 炎晚錄

釋法楨大都崇國寺重建碑畧京師有寺曰崇國前  
至元乙酉世祖皇帝所賜地傳戒大德沙門定演所  
開剎佛殿經閣雲堂方丈香積僧寮凡百有餘楹皇  
慶延祐間仁宗皇帝刺撥室利皇后賜鈔三千餘定  
買地別建三門壽元皇太后復賜鈔五百定而經營  
焉至正十一年歲次辛卯孟夏大竹林寺沙門雪澗  
法楨換奉訓大夫中書刑部侍郎葛禪書儒林郎江

南諸道行御史臺監察御史許居正篆

張翥買屋靈椿坊作五槐濃綠陰門前東宇西房十  
數椽不是衰翁貪買屋歸時留作雇船錢 蚶菴集  
楊載海子橋送客詩金溝河上始通流海子橋邊繫  
客舟此去江南春水漲拍天波浪泛輕鷗 楊仲弘詩

元時居庸關盧溝橋俱有過街塔按歐陽元功詩薊門  
城頭過街塔一 行人通竇間則薊丘城門亦有之矣  
行國錄

張弼花朝游大慈恩寺詩花朝尋花不見花行行直  
至梵王家周遭金海波光合遠近翠樓烟景賒綵衲  
番僧通漢語香酥鮮乳薦巴茶凭高總覽乾坤勝萬

歲山蒸五色霞 東海集

業寺門臨水岸去水止尺許其東有軒坐於高柳荷

囊人江南雲水之勝無以過此 明水軒日記

趙子昂同李子搆過海子飲于酒家有小姬勸飲子昂賦詩云小姬勸客倒金壺家近荷花似鏡湖游騎等閑來洗馬舞鞋輕妙迅飛鳧油雲判澆纏頭錦粉汗生憐絡臂珠只有道人塵境靜一襟涼思詠風雩子搆詩云馳道塵香逐玉珂彤樓花暗鼓雲和元風漸綠瀛洲草細雨微生太液波月榭管絃鳴曙早水亭簾幙受寒多少年易動傷心感喚取青眉對酒歌子搆名才京兆人年十七賦此詩又嘗於客座詠十月桃得句云劉郎再來歲云暮王母一笑天回春衆皆閣筆子搆天死子昂

稱詩雜于唐人中未易辨而皇元風雅元詩體要皆作虛巨詩非也 不出戶庭錄

張翥清明日海子風入松詞尋春春在鳳城東羅帕

玉花驄美人半彈琵琶袖游塵滿目斷雲空淺碧湖

波雲漲淡黃官柳烟蒙 相如多病賦難工宿酒更

頻中歸來自按新聲譜憑誰解唱與東風一夜小牕

疎雨杏花明日應紅 蛺蝶樂府

順天府尹丞題名記工部尚書豐城雷禮文也嘉靖三

十九年立察佐題名碑記一一為禮部左侍郎鉛山費

家撰嘉靖二十二年立一為順天府通判晉江張問仁

撰萬曆十三年立 函山旅語

宛平縣題名記翰林之檢討郭鑿撰嘉靖二十八年立

同上

慈隆寺在金臺坊酒醋局外廠東萬曆二十二年御馬

監太監高勲修建寄閣寄所寄錄

順天府中有候氣堂在東夾道迤北立春日欽天監官於堂下掘地為坎深數尺以竹管八實灰其中照方位布列坎內以土覆之至冬至日啟視以占八方之豐歉若管灰全浮出者為豐不浮者為歉即漢書葭莩灰實事管之次也挑燈集異

申時行順天府重修候氣室記國家建日官以授時作事占步推測之法甚密而順天治輦下其制特詳每盛德在木迎春于東郊先五日欽天監奏遣其屬二人往候氣其布培實灰重室畧如舊法隨方占之

送山童抱襦行短

秋萬里長劍月三更猶

驚天

夢依稀遠禁城交州葉



